



# ӨВӨРХАНГАЙ АЙМГИЙН ИРГЭДИЙН ТӨЛӨӨЛӨГЧДИЙН ХҮРЛЫН ТОГТООЛ

2021 оны 05 сарын 06 одөр

Дугаар 09/06

AppBx330

Хайрхандулаан сумын зарим газар нутгийг  
аймгийн тусгай хамгаалалтад авах тухай


Монгол Улсын Засаг захиргаа, нутаг дэвсгэрийн нэгж, түүний удирдлагын тухай хуулийн 18 дугаар зүйлийн 18.1.2-ын “к”, Тусгай хамгаалалттай газар нутгийн тухай хуулийн 3 дугаар зүйлийн 3.2, 28 дугаар зүйлийн 28.3 дахь заалтыг үндэслэн **ТОГТООХ** нь:

1. Хайрхандааан сумын нутаг дэвсгэрт орших Ханхөгшин уул орчмын 27461.7 га газар нутгийн байгалийн унаган төрх, хэв шинжийг хадгалах, усны нөөц, газрын өвөрмөц тогтоц, түүхийн дурсгал түүний орчныг хамгаалах зорилгоор 15 /арван тав/ жилийн хугацаагаар аймгийн тусгай хамгаалалтад авч, хилийн зааг, байршлын эргэлтийн цэгийг нэгдүгээр, мөрдөх дэглэмийг хоёрдугаар, хилийн заагийг тодорхойлсон зургийг гуравдугаар хавсралтаар тус тус баталсугай.
  2. Аймгийн тусгай хамгаалалтад авсан газарт холбогдох хууль тогтоомж, хамгаалалтын горим, дэглэмийн хэрэгжилтийг ханггуулж, хяналт тавьж ажиллахыг Хайрхандааан сумын Засаг дарга /Ч.Ганхуяг/-д үүрэг болгосугай.
  3. Аймгийн тусгай хамгаалалтад авсан тухай шийдвэрийг холбогдох төрийн захиргааны төв байгууллагад хүргүүлэн, мэдээллийн санд бүртгүүлж ажиллахыг аймгийн Засаг дарга /А.Ишдорж/-д даалгасугай.

ЛАРГА

© ПУРЭВДОРЖ

Аймгийн иргэдийн Төлөөлөгчдийн Хурлын  
2021 оны 05.. дугаар сарын 06.-ны өдрийн  
04/05 дугаар тогтоолын нэгдүгээр хавсралт



**АЙМГИЙН ТУСГАЙ ХАМГААЛАЛТАЙ ГАЗРЫН НЭР, ХИЛИЙН ЗААГ,  
БАЙРШЛЫН ЭРГЭЛТИЙН ЦЭГ**

Д/д	Сумын нэр Газрын нэр	Тусгай хамгаалал -тад авах газрын үндэслэл	Талбайн хэмжээ /га/	Эргэлт -ийн цэг	Тусгай хамгаалалтай газрын солбилцол, хилийн зааг	
1	Хайрхандулаан сум, Ханхөгшин уул	Гол мөрний урсац бүрэлдэх эх, байгалийн унаган төрхийг хадгалах, хамгаалах	27461.7	1	102° 7' 6.863" E	46° 5' 32.060" N
				2	102° 0' 52.938" E	46° 6' 18.335" N
				3	101° 58' 10.837" E	46° 11' 15.053" N
				4	101° 58' 24.985" E	46° 13' 47.370" N
				5	102° 0' 11.401" E	46° 15' 16.660" N
				6	102° 2' 35.556" E	46° 15' 40.669" N
				7	102° 7' 35.490" E	46° 15' 25.816" N
				8	102° 12' 14.242" E	46° 11' 4.826" N
				9	102° 13' 34.586" E	46° 7' 26.090" N
				10	102° 13' 34.422" E	46° 7' 26.042" N
	Нийт		27461.7			

-оо-

Аймгийн иргэдийн Төлөөлөгчдийн Хурлын  
2021 оны 05 дугаар сарын 06.-ны өдрийн  
04/06 дугаар тогтоолын хоёрдугаар хавсралт



## АЙМГИЙН ТУСГАЙ ХАМГААЛАЛТАЙ ГАЗАР НУТАГТ МӨРДӨХ ДЭГЛЭМ

### Нэг. Хамгаалалтын дэглэм

1.1. Хамгаалалттай газрын хилийн цэс дотор байгаль орчинд сөрөг нөлөө үзүүлэхгүйгээр зохих зөвшөөрлийн дагуу дараах үйл ажиллагаа явуулж болно.

#### 1.1.1. Ерөнхий үйл ажиллагаа

1.1.1.1. Байгалийн унаган төрх, түүх, соёлын дурсгалт зүйлийн тогтолцоог алдагдуулахгүйгээр уламжлалт мал аж ахуй эрхлэх, хадлан тэжээл бэлтгэх, отор нүүдэл хийх, Газрын тухай хуулийн дагуу газар эзэмших, өвөлжөө, хаваржаа барих, бэлчээрийг сэлгэн ашиглах үйл ажиллагаа явуулж болно.

#### 1.1.2. Зохих зөвшөөрөлтэйгээр явуулах үйл ажиллагаа

1.1.2.1. Тухайн газар нутаг дахь ан амьтан, ургамал, түүх соёлын дурсгалын байршил, шилжилт тоо толгойн өсөлт хөдөлгөөний судалгааг 2 жил тутамд шинжлэх ухааны батлагдсан аргачлалаар явуулж, хамгаалах, нөхөн сэргээх, зохистой ашиглах арга замыг сонгож, хэрэгжүүлэх;

1.1.2.2. Түүх соёлын дурсгалууд болон ан амьтан ургамлын өсөлт, хамгаалалтад хүний зүгээс нөлөөлөх шууд ба дам нөлөөллүүдийг судалж тогтоон, түүнийг багасгах, улмаар арилгах арга хэмжээг дэс дараатай авах;

1.1.2.3. Түүх соёлын дурсгалт зүйл өвөрмөц тогтоц бүхий газар нутгийн хамгаалалтын болон хязгаарлалтын бүсийг тогтоож, нутгийн иргэдээр хамгаалуулах арга хэмжээ авах;

1.1.2.4. Аялал жуулчлалын зам, маршрут, авто машин төхникийн зогсоол зэргийг хязгаарлалтын бүсийн гадна талд байгуулж, аялагч, жуулчдаас үзүүлэх сөрөг нөлөөллийг багасгах;

1.1.2.5. Элбэг болон түгээмэл тархацтай байгалийн баялгийг иргэнд ахуйн зориулалтаар зүй зохистой ашиглуулах, хамгаалуулах;

1.1.2.6. Ургамлын үр, суулгац бэлдэх, ан амьтан нутагшуулах арга хэмжээ авах;

1.1.2.7. Ойжуулах, ойг нөхөн сэргээх, цөлжилттэй тэмцэх, хортон устгах үйл ажиллагаа явуулах.

#### Хоёр. Тусгай хамгаалалттай газарт хориглох үйл ажиллагаа

2.1. Ашигт малтмал эрж, хайх, олборлох, газрын хэвлэлийг тэсэлж дэлбэлэх, ухаж төнхөх;

2.2. Зохих зөвшөөрөл, эрхийн бичиггүй ахуйн зориулалтаар ан амьтан агнах, барих, ургамал түүх;

2.3. Байгалийн унаган төрхийг өөрчлөх, түүх соёлын дурсгалт зүйл, булш, бунхан ухах, нураах, газрын хөрсийг ухах;

2.4. Түүх, соёлын дурсгалын хязгаарлалтын бүсэд түүний бараа сүрийг хаах байшин барилга, хашаа, хаалт барих.

**Гурав. Бусад зүйл**

3.1. Хамгаалалттай газар нутагт явуулах үйл ажиллагаа нь аймаг, сумын байгаль орчныг хамгаалах, нөхөн сэргээх, хяналт тавих эрх бүхий албан тушаалтны хяналтын дор явагдана.

3.2. Тусгай хамгаалалтад авсан газраас холбогдох зориулалтын дагуу газрыг хамгаалалтаас хэсэгчлэн чөлөөлөх асуудлыг холбогдох журмаар зохицуулна.

-оОо-